

雪樵遺稿

二冊之二

雪樵遺藁 卷四

五言律

承德王乃新雪樵齋
漢軍繆裕紱東雪齋定

萬泉河

沙乾輕舉步。遊興覺悠然。柳老臥秋水。橋傾支暮煙。隨
波魚走急。避客鷺飛偏。北岸僧歸早。磬清聲斷連。

題大法寺西壁

遊興正難了。禪關值偶開。草埋秋院宇。蟲吊破亭臺。聞
磬客愁散。看花僧笑陪。留題詩未就。歸路雨風催。

同書院諸友集品花小屋

此日知何日。相將集小齋。孔融重結納。方朔喜談諧。雨
勢聯詩興。花光豔酒懷。定應謀盡醉。夜漏莫頻催。

與李裴卿廩生較飲

未知誰定伯。呼酌氣如虹。狂客賈餘勇。酒人難獨雄。興
酣宵月白。影亂夜鐙紅。拇戰一相笑。偏師醉壘攻。

歲朝

雞聲猶未斷。一院曉風寒。歲月隨愁長。功名有淚彈。買
書空自勵。把酒且成歡。敢負奇才氣。江湖側目看。

懷董隱溪廣文

卽論好丰度。應亦謫仙人。遭際慳文命。功名悟幻塵。酒
酣常罵鬼。詩妙欲通神。無計重攜手。花飛又暮春。

正月九日家宴感成

爲有華筵敞。春風不作寒。歲時新轉換。骨月正團圓。情
重家居好。時乖祿養難。萊衣且同著。醉舞博餘歡。

郊遊

不肯韶光負。郊遊日正中。柳搖鶯坐綠。花顫蜨騎紅。村
路滑新雨。酒旗搖暖風。行吟動清聽。漁唱小橋東。

與王小屏太史李棐卿石蘊山兩廩生曹璵臣明
經劉寅谷選拔張秀翹孝廉李杏橋郭緒泉施
執廷三秀才聚飲

舉多真契在。有興卽相招。一笑酒懷溢。滿窗花影搖。歡
從塵外得。詩入醉中超。後會便籌算。清明隔幾朝。

夜感

不曾尋睡味。復此夜漫漫。霜引蟲音冷。鐙搖客影單。語
言招謗易。文字效靈難。何計能排遣。銀罇酒未乾。

同友人登大法寺鼓樓

欲愁愁不盡。翻欲學無愁。已醉杜康酒。同登王粲樓。天
光調晚霽。樹色釀高秋。轉甚悲生事。蒼煙水上浮。

李裴卿邀同施執廷張秀翹醉飲

人世歡娛少。醉鄉蹤跡忙。鶯花三月暮。杯酒少年狂。有
興風前寄。無名身外揚。感深仍孔酌。起舞亂鐙光。

贈江西謝鏡泉

如此佳公子。翩翩迴出塵。有誰能結契。于我證前身。豪
興空杯酒。高歌動鬼神。便須堅後約。過往莫辭頻。

長至後一日姜某邀同劉墨樓教習彭汝舟廩生

馬杏橋秀才臧友山孝廉楊佐領飲酒

無事卽酣飲。况爲折柬招。暢懷餘昨日。好友聚今朝。屋
暖春猶小。觴飛興不撓。未妨謀盡醉。呼取夜鐙燒。

雨夜

往事舉難問。悽愴已若斯。况當苦雨夕。復此更深時。積
悶恰無酒。鬱懷空有詩。一鐙危坐處。誰與話心期。

書懷

生我卅一歲。讀書廿五年。絕無奇建樹。惟有甚顛連。案
束吟詩筆。囊空買酒錢。好憑豪氣在。翹首問青天。

秋夜感成

竟自耿無寐。鐘沈欲四更。一鐙人寂守。孤枕夢難成。夜
雨涼。詩骨秋。花淡客情不堪淒切處。唧唧又蟲聲。

秋夜寫懷爲友人作

秋光遽如許。塵市強偷安。當意花偏少。求人事總難。客
懷資酒遣。愁緒藉詩寬。亦已三年久。誰云似指彈。

執廷疾大漸候問痛作

正是有爲日。何由天不憐。未容豪氣吐。轉甚病魔纏。醫
藥術無效。死生命弄權。愴看危坐處。閉目擬枯禪。

執廷自覺病危詩以解之

無可奈何際相看滋益悲憂危中歲病

君時年二十九

囑託五

齡兒

名之博

天有生機轉人難壽命知嶺梅君試看花發

雪霜枝

得盧龍李敬之孝廉書

無計重攜手情懷正悵然仁書從闕下寄我忽窗前窮

餓身家累功名文字緣愧稱舊知己傾寫意纏絲

謂我童軍冠多應來帝京觀光期利用乘閒覓同盟未

遂晨昏共空深訪問情數言增慨歎紙上恍聞聲

君未逢時拙。我仍壯志虛。深慚膺卓薦。垂問到窮居。才盡新詩廢。家貧舊友疏。儻應知近况。百倍定欷歔。

廣甯客感

離家四百里。作客十三天。夢未一宵穩。心從兩地懸。艱危時事後。困頓旅窗前。見我故鄉月。驅愁少醉緣。

廣甯縣

誰把石坊建。長街橫亘中。寺標雙塔古。城抱一山雄。萬

山在城西。北隅。地利騰祥靄。萬紫山有雙泉。每晨霧出。民情重古風。藏經

迷舊蹟。雙塔寺舊爲正德藏經處。賸有夕陽紅。

客夜述懷

離城只數里。景物便蒼涼。荒犬吠人影。老鴉唳月光。愁懷深異域。歸計阻空囊。今夕衰慈壽。遙憐誰奉觴。

乙巳九月二十八日再移妹夫張蓮浦後院

急捲未溫席。忙攜舊讀書。那愁無定所。正喜又新居。杯滿酬勞酒。門無賀客車。萬泉河愈近。蓬梗漫欹噓。

冬日雜感

功名原度外。衣食且營謀。入世誰青眼。勞生欲白頭。暫閒方藉病。薄醉轉添愁。天豈懷餘恨。號風夜未休。

怨府憑空結情根。枉復長友朋。書斷絕。骨月夢蒼涼。永
夜孤鐙下。餘生病枕旁。劍光徒躍躍。未忍割柔腸。
歲月去難住。功名屈未伸。是非仍謗語。俯仰困儒身。衰
母添歡少。先靈入夢頻。可應多少恨。一味極酸辛。
空自守牙籤。人誰大器占。名隨流水去。詩逐亂愁添。未
有歡情助。翻將好月嫌。涼宵耿不寐。才盡惜江淹。

書感

無兒繞膝下。兄弟且流離。身惜孤危後。親當衰老時。腸
柔人不恕。命蹇事多奇。夢寐每顛倒。誰憐祇自悲。

和魏子亨明經祭弔慈西橋先生墓并序

西橋名士衡奉天舉人由教習歷任廣西理謠

同知卒于官

物望吾鄉重才名接踵稀一官貧作祟萬里死難歸扶
櫬虧良友荒墳倚暮暉仗誰披宿草嘯苦亂鴉飛

力薄難修墓棠梨花不春清身早沒循例子仍貧慘
到無家處君能訪舊鄰

子亨西橋
皆鐵嶺人

可知杯酒奠情重總

詩人

辛亥正月二十七夜火劫盜攘家資蕩盡質明奉

老母及內人寄食內弟張翰舒家慨然有作
只○賸○人○三○口○歿○深○攘○劫○中○本○爲○共○命○鳥○去○作○寄○居○蟲○天○
地○空○搔○首○身○家○惜○轉○蓬○試○嘗○簷○下○苦○無○語○立○東○風○

七月十四日生一子七朝卽殤

孤懸方有賀珠喪又成悲爲父無多日傷心聞幾時遲
來猶易死再育恐難期余年已三十有九何計堂堂慰望孫年
已衰

感懷

行年逾四十匿迹尚柴關有志命增阨無才身轉閒愁

添詩興鬱債逼酒情刪似此顏唐甚難憑藥駐顏

聞賊陷平陽懷多雯溪夫子

力竭嚴城破雲陰殺氣屯守臣能抗節

曉峰先生全家殉難

幕府

並懷恩援救兵威挫瘡痍血淚吞定應酬國難氣誼壯乾坤

書院課期卽事自嘲

滿目羅才俊鬢宮藻采敷盡人工鼓瑟只我濫吹竽身老顏懷集文荒舊價無正多薪水計西抹復東塗

感懷

探懷猶有筆。慣畫不靈符。器重客何有。謗興詩未無。狂
難容李白窮。欲泣楊朱頗。有清奇想。論交到狗屠。

夜分作

門庭原冷落。復此夜分時。哀叫雁衝雪。寒餵雞傍籬。澆
愁傾濁酒。破寂得新詩。卽此謝外事。辱榮何用知。

枕上作

強欲學無事。終教穩睡難。鐘敲幽夢破。雪照舊詩寒。併
集浮生感。愴懷熱淚彈。枕邊謀醉遣。悵念酒餅乾。

偶感

不無外閒事。一笑且由他。作計與人違。甘心受墨磨。長
貧愁債主。愁債主債主愁也小飲養詩魔。未許更相問。浮名賸
幾何。

感懷

那應身未老。壯志已銷磨。阮運成名少。柔腸受累多。詩
書空誤事。天地任高歌。誰與為依附。相憐只酒魔。

初夏

春盡又初夏。物華有變更。無花閒蝶翅。得雨壯蛙聲。運
蹇仍淪落。愁多減性情。不堪重問訊。少小氣縱橫。